庫全書

子部

郵定四庫

椰編卷十二

群校官中書 臣贾 鍅

總校官中書臣朱 校對官檢討臣郭 **雕録監生臣何思釣** 寅

鈴

次を四車を与 春秋左氏傳序 官掌邦國四方之事達四方之志諸侯亦各有 以首事年有四時故錯舉以為所記之名也周 人名英格勒斯 CHARLES AND A STREET OF THE PARTY OF THE PAR 科編 紀遠近別同異也故史之所記 がからない 記事者以事繁日以日繁月以 唐順之 杜 預 撰

所存文之所害則刊而正之以示勸戒其餘則皆即用 記注多違舊章仲尼因魯史策書成文考其真偽而志 衰官失其守上之人不能使春秋昭明赴告策書諸所 與周之所以玉韓子所見盖周之舊典禮經也周德既 易象與魯春秋日周禮盡在魯美吾乃今知周公之德 國史大事書之於策小事簡牘而已孟子曰楚謂之檮 其典禮上以遵周公之遺制下以明將来之法其敎之 机晉謂之乘而魯謂之春秋其實一也韓宣子適魯見

金グロルノニー

之要故也身為國史躬覽載籍必廣記而備言之其文 義而發其例之所重舊史遺文略不盡舉非聖人所修 日非聖人孰能修之盖問公之志仲尼從而明之左丘 舊史史有文質辭有詳畧不必改也故傳曰其善志又 而柔之使自求之饜而飫之使自趨之若江海之浸膏 緩其旨遠將令學者原始要終尋其枝葉究其所窮優 始事或後經以終義或依經以辯理或錯經以合異隨 明受經於仲尼以為經者不刊之書也故傳或先經以

12 C. 10 101 /14.10

科編

|舊例而發義指行事以正褒貶諸稱書不書先書故書 澤之潤海然水釋怡然理順然後為得也其發凡以言 其歸越而已非例也故發傳之體有三而為例之情有 然亦有史所不書即以為義者此盖春秋新意故傳不 修之以成一經之通體其微顯闡幽裁成義類者皆據 例皆經國之常制周公之垂法史書之舊章仲尼從而 言凡曲而暢之也其經無義例因行事而言則傳直言 不言不稱書曰之類皆所以起新舊發大義謂之變例

金片四月石言

卷十一

火已日中 在5 |尋經傳觸類而長之附于二百四十二年行事王道之 制推以知例参會不地與謀曰及之類是也三曰婉而 族尊夫人梁亡城緣陵之類是也二曰志而晦約言示 欲盖而章書齊豹盜三叛人名之類是也推此五體以 求車齊侯獻捷之類是也五曰懲惡而勸善求名而亡 也四曰盡而不汙直書其事具文見義丹極刻桶天王 成章曲從義訓以示大順諸所諱避璧假許田之類是 五一日微而顯文見於此而起義在彼稱族尊君命含 桦编

卦之爻可錯綜為六十四也固當依傅以為斷古今言 經當有事同文異而無其義也先儒所傳皆不其然答 正人倫之紀備矣或日春秋以錯文見義若如所論 梁適足自亂預今所以為異專修丘明之傳以釋經經 於丘明之傳有所不通皆沒而不說而更膚引公羊 祖述進不成為錯綜經文以盡其變退不守丘明之傳 左氏春秋者多矣令其遗文可見者十數家大體轉相 日春秋雖以一字為褒貶然皆須數句以成言非如八 則 縠

金好口屋有重

顯其異同從而釋之名曰釋例將令學者觀其所聚異 諸例及地名譜第歷數相與為部凡四十部十五卷皆 年相附比其義類各隨而解之名曰經傳集解又別集 家故特舉劉賈許賴之違以見同異分經之年與傳之 惠卿皆先儒之美者也亦有顏子嚴者雖淺近亦復名 · 殿簡二傳而去異端盖立明之志也其有疑錯則備論 而闕之以俟後賢然劉子駿創通大義賈景伯父子許 之條貫必出於傳傳之義例總歸諸凡推變例以正褒

次已日本人后!

糾編

麟出非其時虛其應而失其歸此聖人所以為感也絕 害故微其文隐其義公羊經止獲麟而左氏經終孔丘 臣言公羊者亦云點周而王魯危行言孫以避當時之 金グログノラー 文說者以為仲尼自衛反魯修春秋立素王丘明為素 同之說釋例詳之也或曰春秋之作左傳及穀梁無明 巳矣夫盖傷時王之政也麟鳳五靈王者之嘉瑞也令 在兹乎此制作之本意也數曰鳳鳥不至河不出圖吾 敢問所安答曰異乎余所聞仲尼曰文王既沒文不

火のする シュー |之迹不隆是故因其歷數附其行事采周之舊以會成 也所稱之公即魯隱也安在其點周而王魯乎子曰如 興隐公能弘宣祖業光啟王室則西周之美可尋文武 讓國之賢君也考乎其時則相接言乎其位則列國本 乎其始則周公之祚脩也若平王能祈天永命紹開中 王義垂法將來所書之王即平王也所用之歷即周正 春秋何始於魯隱公答曰周平王東周之始王也隱公 筆於獲麟之一句者所感而起固所以為終也曰然則 牌编

|三年文成致麟既已妖妄又引經以至仲尼卒亦又近 誣據公羊經止獲麟而左氏小料射不在三叛之數故 之常非隐之也聖人包周身之防既作之後方復隱諱 余以為感麟而作作起獲麟則文止於所起為得其實 而云仲尼素王丘明素臣又非通論也先儒以為制作 以避患非所聞也子路欲使門人為臣孔子以為欺天 以章往考来情見乎解言高則肯遠解約則義微此理 有用我者吾其為東周乎此其義也若夫制作之文所

金片四月全書

卷:

笑者不可勝記也是以治古學貴文章者謂之俗儒 其勢雖問不得不廣是以講誦師言至於百萬猶有不 欠己日中心方 中多非常異義可怪之論至有倍經任意反傳達戾者 昔者孔子有云吾志在春秋行在孝經此二學者聖人 解時加釀明辭援引他經失其句讀以無為有甚可関 之極致治世之要務也傳春秋者非一本據亂而作其 至於反袂拭面稱吾道窮亦無取馬 公羊傅序 秤編

聽不决多隨二創此世之餘事斯宣非守文持論敗績 金为四周石書 者國有淫縱破義者比肩是以妖災因釁而作民俗染 昔周道衰陵乾網絕紐禮壞樂崩奏倫攸戰弑逆篡盗 得其正故遂墜括使就繩墨馬 失據之過哉余竊悲之久美往者略依胡母生條例多 化而遷陰陽為之愆度七曜為之盈縮川岳為之崩竭 使贾逵緣除畬筆以為公羊可奪左氏可與恨先師觀 穀梁傳序 卷十 寓

大いりまだける 亡朱干設而君權喪下陵上替借逼理極天下板荡王 侵華戎同貫幽王以暴虐見禍平王以微弱東遷征伐 政盖海爾諄諄聽我貌貌履霜堅氷所由者漸四夷交 垂象見吉凶聖作訓紀成敗欲人君戒慎厥行增修德 之親離則角弓之怨彰君子之路塞則白駒之詩賦天 禮廢則桑扈之諷與夫婦之道絕則谷風之篇奏骨肉 不由天子之命號令出自權臣之門故兩觀表而臣禮 鬼神為之疵属故父子之恩缺則小弁之剌作君臣之 **秤編**

而正雅頌因魯史而修春秋列泰離於國風齊王德於 道盡矣孔子觀溶海之横流過喟然而嘆曰文王既沒 幽愛舉得失以彰點防明成敗以著勸誠拯頹網以繼 則接乎隱公故因茲以託始該二儀之化育贊人道之 文不在兹乎言文王之道喪興之者在已於是就太師 之貶辱過市朝之撻德之所助雖賤必申義之所抑雖 三五皷芳風以扇遊塵一字之褒寵踰華衮之贈片言 君所以明其不能復雅政化不足以被羣后也於時

金分四月白雪

27.7.20 2.2. 羊以祭仲廢君為行權妾母稱夫人為合正以兵諫為 為用禮穀梁以衛輒拒父為尊祖不納子糾為內惡公 異端作而大義華左氏以鬻拳兵諫為爱君文公納幣 為經之古一臧否不同褒貶殊致盖九流分而微言隱 之事業定天下之邪正莫善於春秋春秋之傳有三而 麟感化而来應因事備而終篇故絕筆於斯年成天下 隱其名信不易之宏軌百王之通典也先王之道既弘 貴必屈故附勢匿非者無所逃其罪潜德獨運者無所

愛君是人主可得而脅也以納幣為用禮是居喪可得 善靡從庸得不並含以求宗據理以通經乎雖我之所 滯擇善而從乎既不俱當則固容俱失若至言幽絶擇 以必當為理夫至當無二而三傳殊說庸得不棄其所 之類傷教害義不可得強通者也凡傳以通經為主經 糾為内惡是仇讐可得而容也以廢君為行權是神器 而婚也以拒父為尊祖是為子可得而叛也以不納子 可得而闚也以妾母為夫人是嫡庶可得而齊也若此

多定匹库全書

卷十二

とこうことした |艶而富其失也誣穀梁清而婉其失也短公羊辯而裁 之辯的斯盖非通方之至理誠君子之所數息也左氏 是理未全當安可以得當之難而自絕於希通哉而漢 次大梁先君北蕃廻軫頓駕于吳乃帥門生故吏我兄 其道者也故君子之於春秋沒身而已矣升平之末歲 其失也俗若能富而不誣清而不短裁而不俗則深於 興以来環望碩儒各信所習是非紛錯準裁靡定故有 父子異同之論石渠分爭之說廢興由於好惡威表繼 押编

沒天實喪予何痛如之今撰諸子之言各記其姓名名 諸儒同異之說昊天不吊泰山其頹匍匐墓次死亡無 經師近辭理典據既無可觀又引左氏公羊以解此傳 弟子姪研講六籍次及三傳左氏則有服杜之注公羊 所識弁言其意業未及終嚴霜夏墜從弟彫落二子泯 文義違反斯害也已於是乃商略名例敷陳疑滯博士 則有何嚴之訓釋穀梁傳者雖近十家皆膚淺末學不 A 日月逾邁政及視息乃與二三學士及諸子弟各記

多定匹库全書

卷十一

道平二帝而上聖賢世出隨時有作順乎風氣之宜不 子丑寅之建正忠質文之更尚人道備矣天道周矣聖 道之而生養遂教之而倫理明然後人道立天道成地 とこうこここう 先天以開人各因時而立政暨乎三王迭興三重既備 天之生民必有出類之才起而君長之治之而爭奪息 王既不復作有天下者雖欲做古之迹亦私意妄為而 日春秋穀梁集解 春秋程傳序 押編 程 頤

豈復知先王之道也夫子當周之末以聖人之不復作 也惟顏子嘗聞之矣行夏之時乗殷之輅服周之冕樂 游夏不能費一解解不待赞也言不能與於斯耳斯道 **鬼神而無疑百世以俟聖人而不惑者矣先儒之論曰** 之大法所謂考諸三王而不謬建諸天地而不悖質諸 也順天應時之治不復有也於是作春秋為百王不易 巳事之繆秦至以建亥為正道之悖漢專以智力持世 則韶舞此其準的也後世以史視春秋謂褒善貶惡而

金好四月全書

卷十

權衡換道之模範也夫觀百物然後識化工之神聚衆 予義理之安文質之中寬猛之宜是非之公乃制事之 後能造其微也後王知春秋之義則雖德非禹湯尚可 難知也或抑或縱或與或奪或進或退或微或顯而得 大炳如日星乃易見也惟其微解隱義時措從宜者為 非上智不能也故學春秋者必優游涵泳點識心通然 材然後知作室之用於一事一義而欲窺聖人之用心 巳至於經世之大法則不知也春秋大義數十其義雖

たこりきという

糾編

筆削乃史外傳心之要典也而孟氏發明宗音目為天 求其義得其愈而法其用則三代亦可復也是傳也雖 子之事者周道衰微乾網解紐亂臣賊子接迹當世人 古者列國各有史官掌記時事春秋魯史爾仲尼就 以法三代之治自泰而下其學不傳予悼夫聖人之志 未能極聖人之藴奧庶幾學者得其門而入矣 不得明於後世也故作傳以明之伴後之人通其文而 春秋胡傅序 胡安國 カロ

金分四屆分書

是故假魯史以寓王法撥亂世及之正叙光後之偷 兹乎天之將喪斯文也後死者不得與於斯文也天之 事之深切著明也空言獨能載其理行事然後見其用 喪在己而由人乎哉故曰我欲載之空言不如見諸行 未喪斯文也匡人其如子何聖人以天白處斯文之與 欲肆而天理滅矣仲尼天理之所在不以為已任而 己所當命五刑弗用己所當討故曰文王既沒文不在 可五典弗惇已所當叙五禮弗庸已所當秩五服弗章 而

九二丁二十二十

科絲

得肆則戚矣是故春秋見諸行事非空言比也公好惡 惟春秋乎知孔子者謂此書之作過人欲於橫流存天 典自此可惇秩上下之分而禮自此可庸有徳者必褒 託二百四十二年南面之權使亂臣賊子禁其欲而不 理於既滅為後世慮至深遠也罪孔子者謂無其位而 則皆天子之事也故曰知我者其惟春秋乎罪我者其 經世其功配於抑洪水膺戎狄放龍蛇驅虎豹其大要 而善自此可勘有罪者必貶而怒自此可懲其志存乎

金分四月月十

卷十

一之有春秋猶法律之有斷例也學是經者信窮理之要 世有先後人心之所同然一爾茍得其所同然者雖越 如此去聖既遠欲因遺經窺測聖人之用宣易能乎然 門人以文學名科如游夏尚不能赞一辭盖立義之精 矣不學是經而處大事决大疑能不惑者鮮美自先聖 百王之法度萬世之準絕皆在此書故君子以謂五經 禮之經本忠恕則導乎樂之和著權制則盡乎易之變 則發乎詩之情酌古今則貫乎書之事與常典則體乎

とこうらんう

辨躺

尊君父討亂賊閥邪說正人心用夏變夷大法略具庶 自揆謹述所聞為之說以獻雖微辭異義或未貫通然 推隆王氏新說按為國是獨於春秋貢舉不以取士庠 宇宙若見聖人親炙之也而春秋之權度在我矣近世 以行兵天縱聖學崇信是經乃於斯時奉承詔吉輒 遏也噫至此極矣仲尼親手筆削撥亂反正之書亦可 不知所適人欲日長天理日消其效使夷狄亂華莫之 序不以設官經筵不以進讀斷國論者無所折衷天下

金好四月分書

卷十:

其太子左傅昭二年晉韓宣子來聘見魯春秋曰周禮 為夏殷春秋孔子曰疏通知遠書教也屬解比事春秋 **绕聖王經世之志小有補云** 盡在魯矣斯則春秋之目事匪一家至於隱沒無聞者 献公十七年事國語云晉羊舌肸習於春秋悼公使傅 之教也知春秋始作與尚書同時環語又有晉春秋記 春秋家者其先出於三代按汲冢彈語記太丁時事目 7. 7. 1. 1. 1. W 春秋議 拌编 劉知幾中通 山

婉其說隱晦其文為不刊之言著將來之法故能彌歷 罰因與以立功假日月而定感數籍朝聘而正禮樂 周禮之舊法遵魯史之遺文據行事仍人道就敗以明 吾見百國春秋盖皆指此也逮仲尼之修春秋也乃觀 然則乘與紀年檮杌其皆春秋之別名者乎故墨子曰 子曰晉謂之乗楚謂之檮机而魯謂之春秋其實一也 不可勝載又按竹書紀年其所記事皆與魯春秋同孟 千載而其書獨行又按儒者之說春秋也以事繫日 微

剑定匹戽全書

安得比於春秋哉 事也皆言罕褒諱事無默陟故馬遷所謂整齊故事爾 為國史者皆用斯法然時移世異體式不同其所書之 第本無年月而亦謂之春秋盖有異於此者也至太史 とこうし こう 公著史記始以天子為本紀考其宗肯如昔春秋自是 為所記之名也的如是則晏子虞卿吕氏陸賈其書篇 日繁月言春以包夏舉秋以無冬年有四時故錯舉以 春秋宗指 胖扁 助

之質何体公羊傳解穀梁者則曰平王東遷周室做弱 章宣父因魯史成文考其行事而正其典禮上以遵周 多好四月在書 著勸戒成天下之事業定天下之都正使夫善人勸馬 公之遺制下以明将来之法杜元凱左傅序言公羊者 者周公之志也暨乎周德衰典禮喪諸所記注多違舊 夫子所以修春秋之意三傳無文說左氏者以為春秋 則曰夫子之作春秋將以點周王魯變周之文從先代 天下板湯王道盡矣夫子傷之乃作春秋所以明點門 注中云然 卷十二

淫人懼馬范宾教梁吾觀三家之說誠未達乎春秋大 火已日本公告 其頹數甚於二代以至東周王綱廢絕人倫大壞夫子 以文文之整鏖救儘莫若以忠復當從夏政夫文者忠 宗安可議其深肯可謂宏網既失萬目從而大去者也 周公承殷之與不得已而用之周公既沒莫知改作故 之末也沒放於本其獎猶末沒放於末弊將若何武王 子以為春秋者救周之弊革禮之薄何以明之前志曰 夏政忠忠之弊野殷人承之以敬敬之弊思周人承之 **科編** 太

默防或貴非禮勿動 識之是也或貴負而不該即合權 金月口月月 題是上 以誠斷禮之類是也 用忠道原情為本不于河防之以誠斷禮發萬子仲孫用忠道原情為本不 李末夏之忠道當變而致馬是故春秋以權輔正書天 後代雖有作者虞帝不可及巳盖言唐虞淳化難行於 傷之曰虞夏之道寡怨於民殷周之道不勝其弊又曰 日殷變夏周變殷春秋變周出淮又言三王之道如循 進退抑揚去華居實故曰放周之弊革禮之簿也古人 拘浮名之類是也不尚狷介之類是也從宜救亂因時 之類是也

禮固當治聞述作之際何其不能贊一辭也又云周公 足矣何必復作春秋乎且游夏之徒皆造堂室其於典 者亦春秋乎斯則杜氏之言陋於是矣何氏所云變周 之志仲尼從而明之則夫子曷云知我者亦春秋罪我 褒貶之指唯據周禮若然則周德雖衰禮經未泯化人 環太史公亦言聞諸董生曰春秋上明三王之道公羊 王之法以夏為本不全守周典理必然矣據社氏所論 亦言樂道堯舜之道以俟後聖是知春秋祭用二帝三

P. C. 10 .50 / C. L. S.

椰編

さ

為大鄉矣崇高反云點周王魯以為春秋宗指隱元年 到好四库全書 點諸侯不書戰以示莫敵稱天王以表無二尊唯王 子傷主威不行下同列國首王正以大一統先王人以 忠為教原情為本非謂改革爵列損益禮樂者也故夫 之文從先代之質雖得其言用非其所不用之於性情 其門者也周徳雖衰天命未改所言變從夏政唯在立 情 云然雨漢專門傅之於今恃禮誣聖反經毀傳訓何休雨漢專門傅之於今恃禮誣聖反經毀傳訓 用忠道原情而用之於名位王魯也失指淺末不得情即前章所而用之於名位謂無周失指淺末不得 卷十二

其位不作禮樂乃修春秋為後王法始於隱公者以為 其萎之象悲大道不行將託文以見意雖有其德而無 或問春秋始於隱公何也答曰夫子之志冀行道以拯 以聖心撥亂反正歸諸王道三家之說俱不得其門也 以逆罪莫大馬范氏之說粗陳梗緊殊無深指且歷代 幽厲雖衰雅未為風平王之初人習餘化尚有過惡當 生靈也故歷國應聘希遇賢主及麟出見傷知為哲人 史書旨是懲勸春秋之作豈獨爾乎是知雖因舊史酌 半局

之失也作春秋以秋之 以王法正之此時 多定匹库全書 春秋之作何為乎曰春秋者扶天理而過人欲之書也 格以太平之政則比屋可誅無復善惡故斷自平王之 欲者何在曰惟皇上帝降衷於下民若有恒性而綏猷 春秋魯史爾聖人從而修之則其所謂扶天理而遏 而以隱公為始所以拯薄俗勉善行救周之弊革禮 論夫子作春秋 舊典自可理也及代發風移陵遅久矣若此時但用周家及代發風移陵遅久矣若 老十十 吕大主

"僭诸侯而世莫知其非也臣弑君子弑父强弁弱下篡 性率性之道幾若與之俱很昧而不存者君臣之道不 明也上下之分不嚴也夷夏之辯未明也長幼之序未 轍東王政息政教失風俗壞修道之教不立而天命之 正也義利之無別也真偽之溷淆也諸侯僣天子大夫 理常發達而不少壅者為其能明天理以正人心也周 之責則后實任之堯舜禹湯文武達而在上所以植立 人極維持世道使太極之體常運而不息天地生生之

? !

甲島

多定四库全書 明也而吾聖人則一正之以君臣之義魯史所書其於 史異也而其義則異矣魯史所書其於君臣之義或未 深切著明也魯史之所書聖人亦書之其事未嘗與魯 心之責而自任馬六經之書皆所以垂世教也而春秋 之責誰實尸之然而不忍絕也於是以其明天理正人 正而世莫知其不然也孔子雖里不得位則綏猷修道 一書尤為深切故曰我欲託之空言不如載之行事之 上而世莫知其亂也其所施為盡反王制而失人道之 **卷**1

人心之功尤大於故龍蛇驅虎豹之功乎故曰春秋 獸而百姓寧孔子成春秋而亂臣賊子懼孔子成春秋 心之道也故曰禹抑洪水而天下平周公無夷狄驅猛 不過空言爾而其功配於抑洪水膺戎狄豈非以其正 要則主於扶天理於將萌遏人欲於方熾而已此正人 之義利之無別也吾別之真偽之溷淆也吾明之其大 夷夏之辨有未明者吾明之長幼之序有未正者吾正 上下之分或未嚴也而吾聖人則一正之以上下之分

欠几日神人はあ

辨躺

主

賊子恣睢跌湯縱人欲以減天理者宣其悉無是非之 發於吾心而是非公乎天下世之盛也天理素明人心 其浸淫日滋之人欲是以迷而不復為而不厭而其所 素正則天下之人以是非為榮辱世之衰也天理不明 子之事也何者人性之動始於惻隱而終於是非惻隱 人心不正則天下之人以榮辱為是非世之所謂亂 心哉故雖肆意所為莫之或制而其心實未嘗不知其 而惡夫人之議已此其一髮未亡之天理不足以勝 臣

金月口尼石香

卷十:

とこうこと こここ 微天理不明人心不正是非善惡之論幾於倒置然後 之刀鋸臨之而自然若無所託足於天地問者世衰道 是非善惡之論素定則人之為不善者有不待刑罰加 以為當然曾莫有議其非者則為亂臣賊子者又何其 幸之又幸那是故唐虞三代之上天理素明人心素正 王法以定其罪而义幸世教不明人心不正習熟見聞 之是非以託已於莫我議之地既上幸無明君為之正 謂自知其非者終自若也則其心未嘗不欲紊亂天下 半偏

魯史也夫子匹夫也以魯國而欲以偕天王之權以匹 之賞所以代天子之罰賞罰之權天王不能自執而聖 征伐之無所主而已也孔子之作春秋也所以代天子 不可得乎夫子本惡天下諸侯之偕天子大夫之僭諸 夫而欲以操天王之柄借曰道之所在獨不曰位之所 人執之所謂章有徳討有罪者聖人固以自任也春秋 侯下之僭上平之僭尊為是作春秋以正名分而已自

|亂臣賊子始得以自容於天地之間而不特在於禮樂

多好四月全書

松十二

賞之也其罰也非曰吾 罰之也魯罰之也魯周公之後 諸魯以律夫天下之君大夫其賞也非日吾賞之也魯 子者道之所在而宜位之所在乎或曰夫子之為是也 非以私诸已也夫子以魯有可變而至道之質是以託 夫子不得不假魯史以寓賞罰是非道也賞罰位也夫 以明是非賞罰者天王之柄非得其位則不敢專也故 之公不以有位無位而皆得以言故夫子得以因魯史

蹈之將何以律天下聖人宜不如是也盖是非者人心

大小Diat like

椰編

Ī

其名夫子不敢自僭而乃使魯偕之聖人尤不如是也 權而夫子乃因推而子之則是夫子為其實而魯獨受 也獨可以擅天王之賞罰乎魯不可以擅天下賞罰之 之為也以周公之後而行周公之典禮以周公之典禮 於魯魯亦不能以自有推而本之於周周之典禮周公 而聖人之嗣也賞罰之權天子不能以自執推而予之 夫夫子匹夫也固不得以擅天王之賞罰魯諸侯之國 而律天下之君大夫或者其庶幾乎此聖人之意也且

金为四月石言

之以四代禮樂之制乎夫子魯人也故所修者魯史其 行道則當如是爾宣有無其位而修當時之史乃處正 ·告顏淵者不見諸用而寓其說於春秋此皆一切繆妄 具爾夫四代禮樂孔子之所以告顏淵者亦謂其得志 之論其大要皆主於以禮樂賞罰之權為聖人自私之 三代之制其意以為夏時商輅周晃韶樂聖人之所以 之當然於是過為之論意欲尊夫子而實背之或謂無 大抵學者之患往往在於尊聖人太過而不明乎義理

12 (1.) Diet 2:11

拌编

子未當以禮樂賞罰之權自任而後可以破諸儒之說 法無三代之制不幾於誣聖人乎學者學不知道妄相 於修春秋之時而竊禮樂賞罰之權以自任變時王之 金好四周分書 子所謂天子之事者皆可得而知之矣 諸儒之說既破而後吾夫子所以修春秋之吉與夫益 傅襲其為傷教害義於是為甚後之觀春秋者必知夫 時周也故所用者時王之制此則聖人之大法也謂其 春秋總辯 卷十一 樵间

次足四年之45 秋之名取賞以春夏刑以秋冬或謂一褒一貶若春若 魯史記東遷以後事已經夫子筆削之春秋也或謂春 春秋也今所修春秋經孔子曰其義則丘竊取之者皆 謂周之舊典禮經是也此夫子未生之前未經筆削之 之所學者乃周公伯禽以来上自天子下至列國禮樂 春秋者魯史記之名也有未經夫子筆削之春秋有已 征伐等事無不備載皆周之盛時為王之典章杜預所 經夫子筆削之春秋據左氏韓起之所見與权向叔時 稈編 盂

之名如此而聖人作經之意則何如曰聖人之意其有 秋或謂春獲麟秋成書謂之春秋皆非也惟杜預所謂 於史官之私鄭史書董隊之盟屈於權臣之勢善善惡 以来威令不振諸侯無所禀畏而史官有虚美隱惡者 史掌之以别其同異改其虚實而知其美惡周自東遷 憂乎古者諸侯之國各自有史書成而獻于王王命內 年有四時故錯舉以為所記之名此說得之或曰春秋 百世之下衆史並作子奪不同如董孤書趙盾之罪出

大巴马甲·公馬 周造端乎一國及其至也為天下造端乎一時及其至 氏取之以為傳也吁春秋一經造端乎魯及其至也為 實經之所不載者即史以知其詳此則聖人之意而左 也為萬世吾於此見之 列國之史斷以聖人之經則史之不實者即經以傳其 二百四十二年之事約于一萬八千言之間使後世因 惡不足以懲勸聖人因魯史記以間見其事筆而為經 因舊史以修春秋 椰編 Ī

趙鞅帥師納衛世子蒯瞶于戚此聖人正名之意也如 欲去告朔之餼羊是子貢之智未可以言春秋也經書 書閏月不告朔猶朝於廟此聖人爱禮之意也如子貢 秋之古過高則謂夫子以匹夫專天子之事其言為不 之舊體聖人特因事約文加之以筆削而已或者求春 春秋之作本魯史之舊也編年之法日月詳略皆魯史 子路曰子之迁也奚其正是子路之智未可以言春秋 **徵故當時高弟以文學稱如子游子夏不能措一辭經**

金分巴尼石量

文正可与 Lini 之類是也疑則闕之則如甲戊已五之繼書丙戊丙戊 其君出於董狐鄭棄其師出於汲冢之類是也易其舊 事約文加之筆削而已直以私意增損其間哉舊史之 不作乃聖人之本心事魯史也文亦魯史也夫子特因 也或以為聖人之言晦而難知婉而莫測殊不知述而 而修之則如公羊所論星隕如雨穀梁所謂三石六鎮 如獲君曰止誅臣曰刺殺其大夫曰執我行人趙盾弑 文可則修之疑則闕之如斯而已即其舊文而因之則 稈編 其

晉文公承其遺烈子孫繼主夏盟者百有餘年王室賴 倍畔夷狄侵陵而莫之治也齊桓公出糾之以會盟齊 金少口尼石言 之以征伐上以尊天王下以安中國而天下復歸于正 聖人因魯史記以修春秋未敢言作也述而不作此里 之累書夏五之闕其月郭公之闕其人之類是也故曰 春秋聖人經世之書也昔者周之末世明王不興諸 人之本心豈虚言哉 春秋說序例 卷十 趙 **汸** 炎文 同獻 1 侯

|盖有意於齊晚尤拳拳於魯也又曰文王既沒文不在 兹乎使仲尼得君復周公之法修桓文之業率天下諸 道足以興周而患當世諸侯莫能用之盖嘗嘆曰首有 滅曹吳入而盟諸夏則天下之亂極矣孔子生於斯時 晉伯不競諸侯復散大夫專國陪臣擅命楚滅陳蔡宋 侯以事周則文王之至徳吾無間然矣是夫子之志也 用我者吾其為東周乎齊一變至於魯魯一變至於道 之故孔子稱其功曰一匡天下民到于今受其賜及乎

とこうにという 一

押編

主

也久矣吾不復夢見周公鳳鳥不至河不出圖吾已矣| 戎狄可膺荆舒可懲也當是之時以夫子而合諸侯匡 度修廢官則文武之政可舉也足食足兵而民信之則 出公之衛可正也興滅國繼絕世舉逸民謹權量審法 君君臣臣父父子子則六卿之晋田氏之齊三家之魯 夫此其心宜一日而忘天下者於是西狩獲麟則夫子 天下橢運之掌也既而道終不行則又嘆曰甚矣吾衰

老兵嘉瑞既應而天下莫能宗予雖聖人亦無其志矣

金分四月五十

傳者歷戰國秦漢以及近代說者殆數十百家其深知 之迹熄而詩亡詩亡然後春秋作其事則齊桓晉文 聖人制作之原者鄒孟氏而已矣孟孟氏之言曰王者 人經世之書也書成一歲而孔子卒弟子盖僅有得其 朝請討之適當修書之際宜欲託諸空言者哉故曰聖 以正人心示王法是歲之夏陳恒弑其君孔子沐浴而 明尊天王内中國之義貶諸侯討大夫誅其亂臣賊子 乃即魯史成文斷自隱公加之筆削列伯者之功過以

RELIGION LILES

绅编

心者未很故善有美惡有刺人情猶不能忘於其上 定哀之世中國日衰晉伯攸廢春秋之所由終也方天 秋作隱桓之世王室日早齊伯肇興春秋之所由始 作則文武成康治教之迹始湮滅無餘矣夫世變如此 之微言也周雖失政而先王詩書禮樂之教結於民 其文則史孔子曰其義則丘竊取之矣此孔門傳春秋 而春秋不作則人心將安所底止乎故曰詩亡然後春 也近其極也三綱五常顛倒失序上下相忘美刺 卷1

金好四库全書

魯司冠也一旦取太史氏所職而修之魯之君臣其能 書吾不加益也故曰其文則史史主實録而已春秋志 無感志與然則將如之何凡史所書有筆有削史所不 得書有周公遺法馬太史氏掌之非夫人所得議也吾 有史官掌記一國之事春秋魯史策書也事之得書不 存撥亂筆則筆削則削游夏不能賛一解非史氏所及 也是以聖人詳馬故曰其事則齊桓晉文古者列國皆 命在周未改而上無天子下無方伯桓文之事不可誣 岬稨

故主左氏則非公穀主公穀則非左氏二者莫能相一 是不知其文之則史也後世學者舍三傳則無所師承 秋者盖其失由三傳始左氏有見於史其所發皆史例 求之思過半矣然自孟氏以来鮮有能推是說以論春 其有無取三傳者則億決無據流遁失中其厭於尋繹 有見於經其所傳者猶有經之佚義馬故據經以生義 也故常主史以釋經是不知筆削之有義也公羊穀梁 也故曰其義則丘竊取之此制作之原也學者即是而

|多定匹庫全書

,

卷十二

次定四車公告 ! 羊穀梁每難疑以不書發義實與左氏異師陳氏合而 而不知策書有體夫子所據以加筆削者左氏亦未之 後卓然名家然其所蔽則遂以左氏所録為魯史舊文 書以其所書推見其所不書為得學春秋之要在三傳 陳君舉始用二家之說祭之左氏以其所不書實其所 人經世之道間而不明鬱而不發則其來久矣至永嘉 見也左氏所載書不書之例皆史法也非筆削之旨公 者則欲盡舍三傳直究遺經分異乖離莫知統紀使聖 .种編 ÷

葬不用夫人禮則書卒君見弒則諱而書薨五曰適子 君命不書二曰公即位不行其禮不書三曰納幣送夫 昧夫制作之原故也盖嘗論而列之策書之例十有五 求之失其本矣故於左氏所録而經不書者皆以為夫 生則書之公子大夫在位書卒六曰公女嫁為諸侯夫 人夫人至夫人歸皆書之四曰君夫人麂不成喪不書 而筆削之義有八策書之例十有五一曰君舉必書非 子所削则其不合於聖人者亦多美由不考於孟氏而

告告則書此史氏之録乎外者也十二曰凡天子之命 諸侯雖告不書十一日諸侯之大夫奔有玉帛之使則 賦改作踰制亦書于策此史氏之録乎內者也八曰諸 後令不及魯亦不書十曰凡諸侯之女行惟王后書適 妻書来逆而已七日時祀時田尚過時越禮則書之軍 及滅國滅不告敗勝不告克不書于策九曰惟伯主之 侯有命誥則書崩卒不赴則不書禍福不告亦不書雖 人納幣来逆女歸娣歸媵致女卒葬来歸皆書為大夫

沙巴口里公告

稗編

曰王事曰土功曰公即位曰逆夫人夫人至曰世子生 公夫人外如曰麂粦曰猴曰夫人不歸曰內女卒葬曰 之義有八一日存策書之大體凡策書之大體日天道 徽者書人十四曰將尊師少稱將將畢師衆稱師將尊 不書外災告則書之此史氏之通録乎內外者也筆削 師衆稱某帥師君將不言帥師十五曰凡天災物異無 已命書名氏未命書名微者名氏不書書其事而已外 無不書王臣有事于諸侯則以内辭書之十三曰大夫

金がロルノコー

行不書至之類也或略常以明變釋不朝正內女歸寧 筆之不書者削之其筆削大凡有五或略同以存異公 不削也春秋兽史也策書大體吾不與易馬以為猶魯 葬曰兩君之好曰玉帛之使凡此之類其書于策者皆 國受兵口祭祀竟行越禮軍賦改作踰制口外諸侯卒 恒體無辭可以寄文於是有書不書以互顯其義書者 春秋也二日假筆削以行權春秋撥亂經世而國史有 来歸曰大夫公子卒曰公大夫出疆曰盟會曰出師

次足四年至

,稗編

Ē

疑明是非矣四曰辯名實之際亦變文也正必書王諸 馬將使學者即其文之異同詳略以求之則可以別嫌 之故不悉書是也三曰變文以示義春秋雖有筆有削 勤王復辟不書之類也或略輕以明重非有關於天下 為義則殺之不書之類也或略是以著非諸殺有罪及 之類也或略彼以見此以来歸為義則不書歸以出奔 金グロアノニー 而事異者則子奪無章而是非不著於是有變文之法 而所書者皆從主人之辭然有事同而文異者有文同 卷十一

火心口口 ~ 其恒稱則稱人五曰謹華夷之辩亦變文也楚至東周 無王則正不書王中國無伯則諸侯不序君大夫將略 國有伯則楚君侵伐不稱君又有去名以責實者諸侯 有去名以全實者征伐在諸侯則大夫將不稱名氏中 侯散此春秋之實也春秋之名實如此可無辯乎於是 供不王而伯者與中國無伯而夷狄橫大夫專兵而諸 **侯稱爵大夫稱名氏四夷大者稱子此春秋之名也諸** 於四夷偕王猾夏故伯者之與以攘却為功然自晉 椰編

雖有損益猶曰史氏恒辭若特筆則解古卓異非復史 盡義而後聖人特筆是正之所以正其名分也夫變文 既極大分不明事有非常情有特異雖變文猶不足以 吳越與徐亦必與中國異辭所以信大義於天下也六 天下知有楚而已故春秋書楚事無不致其嚴者而書 宋會于中甚至伐吳滅陳滅蔡假討賊之義號于天下 伯中衰楚益侵中國俄而入陳圍鄭敗宋盟于蜀盟于 曰特筆以正名筆削不足以盡義而後有變文然禍亂 卷十

金牙四月百十

子作經惟以筆削見義自非有所是正皆從史氏舊文 顯矣八曰辭從主人主人謂魯君也春秋魯史成書夫 别之大抵以日為詳則以不日為略以月為詳則以不 削變文特筆既各以類明而日月又相為經緯無微不 日為變甚則以不月為略將使屬辭比事以求之則筆 月為略其以日為恒則以不日為變以不日為恒則以 氏恒解矣七日因日月以明類上下内外之無别天道 人事之反常六者尚不能盡見則又假日月之法區而

20.70 Set 2015

秤編

孟

權衡也然聖人議而弗辯是非之心人皆有之善而見 金分四月分書 者恒異乎内也則謂之實録者不足以言春秋矣知 者不足以言春秋矣知春秋假筆削以行權而治乎外 者其惟春秋乎罪我者其惟春秋乎是故知春秋存策 録則為褒惡而見録則為貶其褒貶以千萬世人心之 書之大體而治乎內者恒異乎外也則謂之夫子法書 公而已聖人何容心哉解足以明義斯已矣故曰知我 而所是正亦不多見故曰辭從主人此八者實制作之 卷十一 12 c.)] ... / 然使非孟氏之遗言尚在則亦安能追求聖人之意於 皆不攻而自破首知虚解說經之無益而刻深辯急果 筆削之義既明則凡以虛辭說經者其刻深辯急之說 去人之族無人之爵褒而字之貶而名之者亦不足以 經之體要議而弗辨則凡謂春秋賞人之功罰人之罪 千数百年之上也哉汸自蚤歳獲聞資中黄楚望先生 論聖人兵故學者必知策書之例然後筆削之義可求 不足以論聖人也然後春秋經世之道可得而明矣雖 稗编 孟

多好四月全書 之補註欲學者必以考事為先其文與義則三傳而後 然各有條理将經離亂深恐失墜乃輯録為書以為後 聖人書法而妙在學者自思而得之乃為善也於是退 論五經古要於春秋以求書法為先謂有魯史書法有 世學春秋稍知本末者賴有左氏而已故取左氏傳為! 推明又復數載然後一經之義始完屬辭比事奠不粲 三傳諸家及陳氏之書而具知其得失異同之故反復 而思之者十有餘載卒有得於孟氏之言因其說以考 卷十一

|宋春秋獨未定于一何也學者智不足以知聖人而又 而春秋教有其法獨與五經不同所謂屬辭比事是也 六經同出於聖人易詩書禮樂之古近代說者皆得其 不由春秋之教也昔者聖人既作六經以成教於天下 撰屬辭八篇發其隱嚴傳諸同志以俟君子或有取馬 諸家之說尚得其本真者皆傳以己意暢而通之名 曰 春秋集傳凡十五卷尚慮學者消於所聞不能無惑別 春秋屬辭序例

火色日本 1

稗編

卖

人之志則有未易知者或屬馬而不精比馬而不詳 使考其異同之故以求之則筆削之意何由可見乎此 髙第者如游夏尚不能賛一解茍非聖人為法以教人 筆有削以寓其撥亂之權與述而不作者事異自弟子 長以見吉凶聖人皆述而傳之而已春秋斷截魯史有 盖詩書禮樂者帝王威德成功已然之迹易觀陰陽消 義類弗倫而春秋之古亂故曰屬辭比事而不亂者深 屬辭比事所以為春秋之教不得與五經同也然而聖

金以口戶人司

七十子之徒未遠而不得聞此故雖博覽遺文略見本 於春秋者也有志是經者其可舍此而他求乎左氏去 知足以知聖人矣而於屬辭比事有未暇數數馬者此 則聖人之志豈易知乎若夫程張邵朱四君子者可謂 庶幾知有春秋之教者然皆泥於褒貶不能推見始終 而又不由春秋之教者也公羊穀梁以不書發義啖趙 末而於筆削之古無所發明此所謂却不足以知聖人 二氏纂例以釋經猶有屬辭遺意而陳君舉得之為多

たこうにんこう

Ī

来說者雖眾而君子一切謂之虛辭夫文義雖雋而不 者又為實録之說以矯之而先王經世之志荒矣此君 為譏刺自譏刺而為褒貶自褒貶而為賞罰厭其深刻 此乃制作之本意也微言既絶教義弗彰於是自議而 善乎莊周之言曰春秋經世先王之志聖人議而弗辯 合於經則謂之虛解可也而亦何疑於衆說之紛紛乎 子所謂虛解者也故曰春秋之義不明學者知不足以

金月四月全書

五經徽吉所以闇而復明春秋獨鬱而不發也自是以

卷十一

次の日のいかない			知聖人而又不
			山
押			知聖人而又不由春秋之教也宜不然哉
루 ^			或

		11 000		金汉区近月十
				卷十一

欠こりいとこう 禮後王定律事雖不同然其倫理分義治體法意莫不 在乎尊单上下内外之間緩急輕重大小之際況春秋 初嘗香萃諸家說合經意者作集傳歲久未能脫蒙日 月之說亦未定始悟屬辭比事欠精欠容竊謂先王制 欽定四庫全書 **秤編卷十二** 春秋二 與宋潜溪書 貋編 眀 唐順之 趙 汸 撰

辭比事之法至是愈見其妙而經之八體始定既又思 矛盾也乃分為八篇而類釋之名曰春秋屬辭嘗謂聖 使人一見了然非惟觀者未易深察雖吾書亦未必無 釋因之以考日月之法亦昭若發蒙如有神助矣盖屬 以屬辭比事之法細推之則凡滯礙膠結處皆渙然永 釋之宜其不能通也於是離析部居精別其義類而更 八體之名雖不可易汸出於一得之愚若非彙別臚分

無該禮法事有常發有經權而學者乃為一切之說以

金少四月分言

所未備第三為至第六篇間有先儒之說而後傳之古 第二篇筆削之青乃本二傳陳氏擇其所當存而補其 與末論即是黃先生之意考之經傳並不見筆削之跡 殊與臆斷無繩墨者不同此屬辭之所以名也第一篇 以此法求之於經的有證據然後取先儒之說以實之 辭比事亦未必能達筆削之權故其問紀綱義例皆是 亦必屬解比事而後可施筆削所以學春秋者若非屬 人作經雖不可測以今觀之二百四十二年簡策如山

次已日奉公告 ~

稗編

販所取三傳義例今皆不能盡合譬如適國都者其道 論日月二篇置六經補注中亦不甚取後傳不全廢褒 在氏然黃先生日月例亦只守杜氏之說當取林少顏 金以口人人 路行程軌轍一遵指授至於宗廟之美百官之富只合 執事之言曰諸如或日或不日稱爵稱人名之字之王 據今日所見言之乃為弗畔爾 居多或辨其所未然第七篇發機於二傳何氏及西疇 與梁孟敬論春秋書 劉永之文尚

大小Diat like 秋之為春秋明王法彰亂逆誠聖人之古也然謂因魯 之駁之為善又日信公穀之過求褒貶之詳未免蹈先 史之文而筆之傳之其小有乖訛則修之完之使觀者 萬無疑又曰夫子言知我惟春秋罪我惟春秋知之者 儒之謬此胡康侯之失也凡此所論度越老生宿師萬 之稱天以否諸侯之列序以否大夫之登名以否皆因 知其明王者之法也罪之者罪其彰亂逆之迹也夫春 史之舊非聖人之意之所存三傳之要諸說之鑿米氏 桿編

人之子也時無明王誰知宗予待之者日李孟之間則 異於人哉其德則聖人也其不幸而不得其位則猶夫 謂損益乎魯史而明之彰之則弗可也夫聖人者宣盡 猶夫人之臣也而所事之君則荒君也其君之卿大夫 有所勸沮而王法由之而明亂逆由之而彰則可也若 則僭室也以猶夫人之臣子而位乎荒君僭室之朝 夫今之與古遠矣而其理弗異也設使有一孔子生子! 私损益其國之信史而明王法而彰亂逆無乃弗可乎 而

金好四月分書

卷十二

則晉史之良也崔杼之弑逆也太史死者三人而卒書 辭也亦莫不有法趙穿之弑逆也而書曰趙盾弑其君 史而损益馬予奪馬褒譏馬而公示之人其乃不為僇 今之世立乎今之朝非君之命與其職守而取今之國 口崔杼弑其君则齊史之良也之二國者有二良馬而 其聖而傲當世乎盖方是時各國亦莫不有人馬其立 民者鮮矣聖人對防貨則謹諾之過宋而微服馬居其 不非其大夫其自稱曰述而不作信而好古夫豈以

嚴莫過於魯史其屬辭比事可以為訓莫過於魯史具 知者曰是不得已馬其不知者曰是匹夫也而暴其君 是以聖人有取馬謹録而傳之以寓其傷周之志馬其 當世之治亂威我可以上接乎詩書之跡莫過於魯史 况於魯有周公之遺制以乗禮之臣者乎是故法之謹 二百四十二年南面之權之謂哉僕故曰謂因乎魯史 在是亦聖人之撫解云爾夫豈曰改周制寓王法而託 大夫之惡於天下後世故曰知我者將在是罪我者將

欽定匹庫全書

卷1 十点 二 してこうことに 其事之離合而書之者有重其終而録其始者有重其 盖史策之實録而其紀載之體異馬爾其凡有五有據 而筆之傳之而王法由之而明亂逆由之而彰可也謂 有大美惡馬此光儒之說也執事取之故曰首止之會 损盆乎魯史而明之彰之則弗可也言之重辭之復必 以王室亂皆複言馬是惡之大而詳其解也抑嘗考之 會曰成宋亂劉單以王猛居于皇尹氏立子朝而先之 盟葵丘之會盟皆再書馬是美之大而詳其辭也稷之 钾锅

·葵丘也皆夏之會而秋之盟是離而為二事矣故再書 或會而盟盟而異日是會之與盟離而為二事矣合而 實也或會而盟盟而同日是會之與盟合而為一事去 之辭聞而知之而書之者此五者其凡也而皆所以紀 始而録其終者有承赴告之解而書之者有非承赴告 金佐四月全書 馬此據其事之離合而書之者也踐土之會美美而盟 不異書同日也平丘之會無美馬而盟則異書異日也 一事則同書離而二事則異書固當然也夫首止之與 光十二

告之解聞而知之而書之者也劉單以王猛居于皇則 特以明其所重也他如書寔来則先言州公如曹書齊 稷之會則始之以成宋亂此重其終而録其始也既書 自京師而言之未知其孰是馬故曰王室亂此非承赴 侯伐北燕則遂書暨齊平皆是物也子朝之亂叔鞅至 其始而録其終也會未有言其故者於之二者而言之 皆實之紀也非美之大而詳其辭也將書其取鼎也於 日宋災伯姬卒也於澶淵之會則終之以宋災故此重

大巴口戶公古 一

桿編

聞而知之者也皆實之紀也非惡之而詳其解也曰言 例書人此承赴告者也不知將帥名氏多寡亦書人此 告之解而書之者也他如程子之傳例有曰將甲師少 来告兵敬王居程泉而尹氏立子朝則来告矣此承赴 **美故曰因乎魯史而筆之傳之王法由之而明亂逆由** 之重解之複必有大美惡者馬光儒之過也且夫其名 夫首止之為美美不必辭之複也而皆知夫稷之為惡 也者乎簡冊其跡也昭乎萬世不必言之重也而皆知

金切口乃白言

隱難喻僕之愚不敢以為然也雖然程子之傳有舍乎 答問將非聖人之言辭乎何彼之平易顯白而此之微 者猶是矣然則易之彖解將非聖人之制作乎論語之 預曰言為則肯遠解約則義微程子韙之則所謂微隱 萬世顧乃有隱徼難知之義是未免蹈前儒之說也杜 其微解隱義時措從宜者為難知也夫所謂炳如易見 之而彰也程子日春秋大義數十炳如日星乃易見也 則然矣其曰隱微而難知果何謂哉聖人将昭大辯於

大己日年 12·5

秤編

異此甚易晚也若自文以上日食有不書日者文以下 學術正矣其論議辯而嚴矣其失則承乎前儒而甚之 行九十書至者六十四是也執事所謂隨時而觀經此 悉書日馬自文以前君行八十書至者十七文以後君 馬可也夫時有遠近則史有詳略史有詳略則解有同 者也朱子當口有程子之易又曰可自為一書謂其言 褒敗予奪而立言者則非先儒之所及也若胡康侯之 理之精而非經之本古也若胡氏之春秋其自為一書 卷十二

金分四月五十

大小Diat /115 誠善也而公羊子白所見異詞所聞異詞所傳聞異詞 篤也不以詩書視春秋也其尊之也過則曰聖人之作 公羊者幾希大較說者之失有三尊經之過也信傳之 曰史之有詳略而曰聖人隨其時而異其書馬其賢於 書法也僖文宣成一書法也昭襄定哀一書法也夫不 少殺故弗之諱馬甚乎其恆矣陳傅良曰隱桓莊関一 世思王父少般故諱亦少殺馬所傳聞之世思高曽又 何休口所見之世思其君父尤厚故多微詞馬所聞之

靡也已以為惡則强求諸辭曰此奪也此貶也聖人之 特筆也或曰聖人之變文也一說弗通馬又為一說以 傳者有所受則宜其求之益詳而傅合之益鑿也以為 也則曰此見諸行事也此刑書也夫以為聖人之作而 也其信之也篤則曰其必有所受也其視之異乎詩書 護之一論少室馬叉為一論以飾之使聖人者若後世 也已以為美則强求諸辭曰此予也此褒也聖人之徵 見諸行事以為刑書則宜其言之益刻而煆鍊之益深

金月四月五十

令僕之愚曰其文則魯史其義則彰善而禪惡冀述而 之法吏深文而巧祗茂乎寬厚之意此其失非細故也 傳於後則以刪詩定書賛易同其狂僣而為傳也則直

機予奪之說其區別凡例則主程子其綱領大意則主||

釋其義其善者曰如是而善其惡者曰如是而惡無褒

朱子其三傳則主左氏以杜預說而時覈其謬妄其諸

SCALL DESCRIPTION

稈鯔

使聖人因乎魯史馬則愚之說固已得矣使聖人而自

家則無適主取其合者去其弗合者如是而已竊以謂

金月口屋 有量 治馬其講之也未貫通馬姑優柔之而姑反覆之愈之 覲會盟禮樂之本也侵襲圍入征伐之舉也魯與隣國 春秋之法重事而輕人詳內而略外無有所謂例也朝 亦蔑甚乖刺馬其自信者如此然猶以其考之也未決 作馬亦當據事而直筆之必不為先儒之云則愚之說 以歲月而後可就也 有相交之義則悉書之外此則弗書也君在則書君而 例非春秋之法 鄭 樵後同

書聘所以講禮公子礼因聘魯而得書乞師大事也故 次已日年 公告 子叔肹之卒延廐郎囿之役是也於他國則略晏平仲 之書因事以見人而非因人以見事書於魯國則詳季 之善交叔向之遗直封洫刑書之在鄭反坫塞門之在 狄士鞅之會吳又以赴告而與魯共事得書馬則春秋 **騷魘得書城杞大後也故高止得書以至肖林父之敗** 將事然後大夫得書馬盟所以紀信裂編因盟皆而得 臣不列馬卿在則書卿而大夫不列馬卿不在而大夫 భ編

言乎 曾不知侵伐入滅之例周之盛時不應預立其法真知 齊是也春秋重事而輕人詳內而略外盖如此 烏有 所 謂例耶善乎柳宗元之言曰社預謂例為周公之常法 謂春秋以一字為褒貶者意心於尊聖人其說出於太 或謂春秋其為褒貶之書與曰諸儒之說春秋有以 字為褒貶者有以為有貶無蹇者有以為褒貶俱無者 褒貶

金灯口月八日

卷十二

字皆挟劍戟風霜聖人之意不如是之勞頓也泥於有 史公日夫子修春秋游夏不能賛一解故學者因而得 主然亦不可以盡泥也泥一字褒贬之說則是春秋二 孔子未修之前故學者因而得是說也雖其意各有所 說於竹書紀年所書載鄭葉其師齊人殲于遂之類皆 者因而得是說也謂春秋無褒貶者意在于矯漢儒其 說出於孟子曰春秋無義戰彼善于此則有之矣故學 是說也謂春秋有貶無褒者意在於列國之君臣也其

大こりっこ ここう

焊编

為褒贬之書與故書事也亦然書始作兩觀始者貶之 之下指為善人書其惡則萬世之下指為惡人茲所以 事做城其解而使二百四十二年君臣之善惡不逃乎 也聖人雖未嘗云是為可褒云是為可貶然而實録其 也言其舊無也書初獻六羽初者褒之也以其舊八佾 之慘也泥於無褒貶之說則是春秋為瑣語小說聖人 販無褒之說則是春秋乃司空城旦之書聖人不如 是 又未嘗無故而作經也大抵春秋一經書其善則萬世

金月四月石書

卷十二

鑿之患其原起於三傳而後之諸儒又從而羽翼之横 萬八千言之間兹又所以為一字之褒貶者數如是而 相牴牾者兵紛紛聚訟而聖人之意益以不明然其大 互相矛盾者矣有事同而前以為褒後以為貶前後自 生意見巧出義理有一事而或以為褒或以為貶彼此 六經之不明諸儒穿鑿害之也而春秋為尤甚春秋穿 辨日月褒貶之例 吕大圭俊同

火三日戸によう 三

秤編

號為褒貶之說彼徒見夫盟一也而有日者有不日者 端不過有二一口以日月為褒貶之說二曰以名稱爵 也將以渝之者為是乎信之者為是乎桓之盟不曰 之蔑之盟不日則曰其盟渝也阿之盟不日則曰信之 其異也於是有以名稱爵號為變敗之說愚請有以 而或書州或書國或書人或一人而前氏後名又若是 不同也於是有以日月為褒贬之說又見夫國君一 **葬宜書日也而或書時入宜書日也而或書月若是其** 扩 也

金分四屋石書

曰公子益師遠也然公子彄亦遠矣又何以書日乎穀 内而公在外公不與小斂也明矣又何以書日乎公羊 者為是乎美之者為是乎公子益師卒不日左氏曰公 不與小敛也然公孫敖卒於外而公在内叔孫始卒於

葵丘之盟則日之或曰危之也或曰美之也將以危之

たこうint litin

秤編

涓葬也不及時而不日慢葬也過時而日隱之也過時!

日乎葬必書月日而有不書月日者則曰不及時而日

梁曰不日惡也然公子才李孫意如亦惡矣又何以書

歸仲子之賙罪在冢宰而不在天王乎歸成風之含明 爭國危之隱之可也衛移公宋文公無齊桓之賢無爭 而不日謂之不能葬也當時而不日正也當時而日危 也使榮叔歸成風之含明而王不書天亦曰貶之也宣 月為褒貶乎至於来歸仲子之明而宰書名則曰貶之 何危乎凡此者皆疑誤而難通者也孰謂春秋必以日 國之患過時而日有何可隱之乎宋穆公之日葬又有 不得葬也然過時而日直指齊桓公而言當是時公子

金分四月分言

朝弑逆之人贬而稱子朝桓可贬也終春秋之世不復 朝弑逆之人乎滕薛来朝稱爵說者曰滕薛微國也以 鄧传稱名說者曰朝弑逆之人故貶之滕子杞侯獨非 子乃自貶王而去其天則將以是為正名分可乎教伯 為始受命之君則尤繆妄之甚者也或曰滕本侯爵 其光朝隱公故褒之朝隱有何可褒而褒之乎若以隱 **使置皆以朝桓之故而貶之乎或曰為時王所點也**

咎在天王而不在榮叔乎春秋書王本以正名分而夫

大小田寺とは

稈編

古

之分而顧乃進夷秋而退中國乎若此之類不可以一 書楚子說者曰進夷狄也夫中國而夷狄則夷狄之可 王能自執兵安得為春秋之世乎先書荆繼書楚已而 夫使時王而能升點諸侯之爵則是禮樂賞罰之權天 金分四月全十 於日者書日事成於月者書月事成於時者書時故凡 褒貶乎大抵春秋以事繁日以日繁月以月繁時事成 也夷狄而中國則亦中國之乎聖人作經本以辨夷夏 二數要皆疑誤而難通者也孰謂春秋以名稱爵號為

|事當書日而魯史但書其月聖人安得虚增甲子乎是 者皆史失之也假如某事當書月而魯史但書其時其 大いのtot Lithin 春秋不以日月為例也春秋據事直書而善惡自見名 葬郊廟之祭盟狩敗入滅獲日食星變山崩地震火災 **彗字螽螟凡如此者或以月成或以日成也的麂卒弑** 凡如此者皆以日成也其或宜月而不月宜日而不日 如来至伐圍取救次遷戍襲奔叛執放水旱雨雹水雪 朝親鬼府城築作毀凡如此者皆以時成者也會遇平 立

一築臺於郎夏築臺於薛秋築臺於泰三十二年春城小 將奔走列國以求其名與字而後著之於經乎是春秋 有之矣非壁人因以是為褒贬也有如莊三十一年春 史但著其名某與其在所貶而舊史但著其字則聖人 名者皆貶而書氏者皆褒也假令其與其在所褒而舊 不以名稱爵號為褒貶也若大因其所書月日之前後 稱爵號從其名稱爵號而是非善惡則繁乎其文非書 而知其是非因其名稱爵號之異同而知其事實則固

金好四月月

21.10 .at 2:11 有以見其朝夷狄之國閥七月之久而勞於行也僖 興兵以入之也昭七年三月公如楚九月公至自楚則 冬蝝生則有以見連歷二時而災害薦作也莊八年春 年冬十月不雨三年春王正月不雨夏四月不雨六月 月 師次於郎夏師及齊師圍鄉秋師還則有以見閱三時 穀則有以見纔閎三時而大功屢興也宣十五年秋螽 而勞兵於外也若此之類盖於書時見之桓二年秋七 杞侯来朝九月入祀則有以見来朝方閱一月而遽 焊编 ţ

陳衣僑盟則有以見晉人之先盟諸侯而後盟大夫若 災餘之為不敬已五葬敬羸庚寅而克葬則有以見明 有以見魯人之先晉而後衛已未同盟於雞澤戊寅及 問而取其二色壬中御廩災し亥嘗則有以見其嘗於 而再見天變也辛未取部辛已取防則有以見句 見之癸酉大雨震電康辰大雨雪則有以見八日之間 雨則有以見其閱九月而後雨也若此之類盖於書月 日乃葬之為無備丙午及首庚盟丁未及滌良夫盟則 日之

金质四月分言

卷十二

書寓褒貶則誤矣若夫名稱爵號之異同則有以事之 此之類盖於書日見之然以是為聖人以日月之書不 兵魯暈柔鄭宛詹始也大夫猶不氏於後則大夫無有 上文而殺其解者固難以一例盡而時變之升降世道 不氏者鄭段陳作衛州吁始也皆名之後則雖弑君之 之盛衰亦有因之以見者楚一也始書荆再書楚子吳 大小而其解因之以詳略者亦有前目而後凡者有蒙 也始書吳再書人已而書吳子于以見夷狄之浸感

2.17. 1 Jan |

ナ

於以見夷狄之大夫皆往来於中國矣諸侯在喪稱子 賊亦有書氏者於以見大夫之浸强矣始也曹莒無大 衛先祭於以見當時諸侯皆以目前之利害而不復用 周爵而以國之大小為强弱也會於曹蔡先衛伐鄭則 也杞公爵也而書伯滕侯爵也而書子於以見其不 有書子而預會預伐者於以見居喪而會伐之為非禮 矣始也吳楚君大夫皆書人於後則吳楚之臣亦書名 **到好四月全書** 夫於後則曹莒皆有大夫於以見小國之大夫皆為政 卷十二 用

會諸侯召陵侵楚之師外之則齊國夏會伯主於以見 私意為輕重而無復禮文也垂隴之盟內之則公孫敖 名稱爵號從其爵號而是非善惡乃因而見之初非聖 蕭魚之會世子長於小國之君於以見伯者為政皆以 周班也幽之盟男先伯淮之會男先侯戚之會子先伯 聖人褒貶之意則室礙而不通矣於其不通也而强為 人特以是為褒貶也學者必欲於名稱虧號之間而求 大夫敵於諸侯而莫知其非也凡此者莫非名稱從其

次之四年公生 一种编

多グログノラー 若是則春秋所書皆據舊史爾所謂門人萬弟不能賛 或曰予謂春秋不以日月名稱爵號為褒貶則信然矣 Ü 之說則務為新巧何所不至正恐非聖人明白正大之 夫以名稱爵號為褒販之說而後春秋之吉可得而論 爾學者之觀春秋必先破春秋以日月為例之說與 特筆 巻十二

辭者其義安在曰有春秋之達例有聖人之特筆有

久にしのいきない 舊文也加王馬是聖人筆之也中國之諸侯有葬吳楚 見於傳者之所載而聖人書之曰狩所以存天下之防 君者兵而吳楚之君不書葬是聖人削之也晉侯召王 所有而削之以示戒者此特筆也元年春正月此史之 加损馬此達例也其或史之所無而筆之以示義史之 戰伐則書伐就則書紙殺則書殺一因其事實而召無 與夫盟則書盟會則書會卒則書卒葬則書奏戰則書 日則書日有月則書月名稱從其名稱爵號從其爵號 科編 九

|宿殖出其君名在諸侯之策而聖人書之曰衛侯出奔 立晉而書衛人立王子朝而書尹氏凡此者皆聖人之 成風而曰僖公成風不曰陳黄而曰陳侯之弟黃不曰 所以示人君之戒不但曰仲子而曰惠公仲子不但曰 特筆也故曰其事則齊桓晉文其文則史其義則丘竊 書之曰子糾不書齊而小白書齊突不書鄭而忽書鄭 衛黎而日衛侯之兄黎陽虎陪臣書之曰盗吳楚偕號 取之矣盖用達例而無加損者聖人之公心有特筆以

金万四月五十

卷十二

序君臣内齊而外楚内晉而外吳始書荆而後書楚始 正名實三日著幾微所謂明分義者何也每月書正以 深考春秋之義竊以為其大吉有三一曰明分義二曰 雖門人高弟預之可也精義所在宣門人高弟所能措 Man Dian Dian 秋之達例孰為聖人之特筆而後可觀春秋兵抑愚嘗 其辭哉非聖人不能與此學者之觀春秋必知孰為春 明正朔之所自出王人雖微必序於諸侯之上皆所以 興編 车

明其是非者壁人之精義違例所書非必壁人而後能

幼之序也成風仲子嫡庶之別也凡此之類皆所以 弟之義書晉申生許止所以明父子之恩曹羈鄭忽長 書吳而後書子皆所以别夷夏書陳黄衛繁所以明兄 盾則趙盾之情不能揜齊無知陳作踰年之君也而書 之罪不能逃夷鼻之弑既歸獄於趙穿而聖人書之曰 不嘗藥矣卓之立未踰年而聖人正其名曰君則里克 公則非攝矣傳稱許止不嘗藥而聖人書之曰紙則非 分義所謂正名實者何也傳稱隱為攝而聖人書之曰 明

多好四牌全書

卷十二

者之罪也凡此之類皆所以正名實所謂者幾微者何 **侯鄭伯於中立暈帥師會齊人鄭人伐宋著公子暈之** 子結勝婦遂及齊侯宋公盟著公子結之專也公會齊 辭也天王狩於河陽壬中公朝於王所明因狩而後朝 也公自京師遂會諸侯伐秦明因會伐而如京師也公 也鄭伯使宛来歸祊而聖人書之曰入入者內弗受之 之曰殺正討賊之名也陽虎陪臣也而書之曰盜正賊

大小の手に

秤編


Ī

擅也葵丘之會宰周公與馬已而書曰戊辰諸侯盟於

書口戊寅大夫盟明大夫之自盟也凡此之類皆所以 葵丘明宰周公之不與盟也溴梁之會諸侯咸在已而 要必知有春秋之達例則日月名稱爵號如後世諸儒 出於魯史之舊而其精神風采則異矣學者之觀春秋 三者之外矣聖人之筆如化工随物賦形洪織萬下各 著幾微其他書法盖亦不一而足然其大肯亦不出於 之穿鑿者必不同也要必知有聖人之特筆則夫名義 得其所而生生之意常流行於其間雖其所紀事實不

金牙四月子書

悉 十



	秤編卷十二		